



Regionalni centar Tuzla

Na osnovu člana 16. stav (1) Zakona o postupku prinudne naplate indirektnih poreza ("Službeni glasnik BiH", broj 89/05 i 62/11), člana 68. i 74. Pravilnika o provođenju postupka prinudne naplate indirektnih poreza ("Službeni glasnik BiH", broj 35/20), radi namirenja duga prodajom zaplijenjene imovine, Uprava za indirektno-neizravno oporezivanje, Regionalni centar Tuzla, Grupa za prinudnu naplatu najavljuje

DIREKTNU PRODAJU

koja će se održati u **četvrtak, 27.11.2025. godine**, u službenim prostorijama Grupe za prinudnu naplatu, na adresi Mitra Trifunovića Uče 161 u Tuzli, sa početkom u **12:00 sati**. Prodaja imovine putem direktne prodaje vrši se zbog dvije neuspjele aukcije.

Predmet prodaje:

1. **tekstil i to keper ženske pantalone 613 komada, teksas ženske jakne 49 komada, teksas ženske pantalone 15 komada, teksas ženske pantalone 935 komada i teksas suknje 85 komada.**

Način prodaje i dostavljanja ponuda:

Direktna prodaja vršit će se bez obaveze polaganja depozita.

Ponude se dostavljaju u zatvorenoj koverti **najmanje 24 sata prije** početka prodaje. Ponuda treba da sadrži: **ime i prezime/naziv ponuđača, identifikacijski broj i adresu prebivališta/sjedišta, naziv predmeta prodaje i ponuđenu cijenu, potpis ponuđača.** Ponude se dostavljaju lično ili putem pošte na adresu: **Uprava za indirektno oporezivanje, Regionalni centar Tuzla, Grupa za prinudnu naplatu, M. Trifunovića Uče 161, 75 000 Tuzla**, uz obaveznu naznaku na koverti: **Ne otvaraj - ponuda za direktnu prodaju robe.**

Uslovi učešća i prodaje:

Pravo učešća imaju sva punoljetna fizička i pravna lica.

Lica zaposlena u bilo kojoj organizacionoj jedinici Uprave za indirektno oporezivanje kao i njihovi srodnici do trećeg stepena krvnog srodstva ne mogu biti ponuđači.

Prodaja imovine vrši se po principu viđeno-kupljeno, naknadne reklamacije se neće uvažiti.

Svi ponuđači, na zahtjev, treba da pokažu svoju ličnu kartu ili pasoš, a ukoliko su zastupnici isto moraju dokumentovati. U prisustvu svih učesnika, Odbor za prodaju će otvoriti kovertu i prodati imovinu licu sa najboljom prihvatljivom ponudom.

U slučaju da lice koje je ponudilo najvišu cijenu ne bude prisutno, imovina se prodaje sljedećem licu sa najboljom ponudom.

Ukoliko dva ili više učesnika ponude isti iznos, Odbor će vršiti prodaju imovine putem nadmetanja među licima koja su dala ponudu sa istim iznosom.

Kako nije propisana minimalna cijena, Odbor može odlučiti da odbaci sve ponude ako se iste smatraju neprihvatljivim.

Kupac vrši plaćanje odmah nakon okončanja direktne prodaje i preuzima sve obaveze za kupljenu imovinu (troškovi transporta, šlepanja i sl.). Predaja robe kupcu vrši se nakon što isti preda dokaze o plaćanju i dokaže da su ispunjene obaveze koje proizilaze iz kupovine.

Roba je smještena kod dužnika na adresi Tržnici Arizona, cjelina 8, zona VI, lokal 58, Dubrave, te se može pogledati po pozivu i dogovoru na broj telefona 035/368-039. Sve ostale informacije mogu se dobiti u Grupi za prinudnu naplatu pri Regionalnom centru Tuzla i na web stranici www.uino.gov.ba.

Broj: 02/5-1/TV-16-16-64-4294-22/23-6
Tuzla, 21.10.2025. godine

Šef Grupe za prinudnu naplatu

Suzana Kerošević